



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Name of School	:	MARYKNOLL CONVENT SCHOOL (SECONDARY SECTION)
學校名稱	:	瑪利諾修院學校（中學部）
Name of Play 劇名	:	留下，只有思念？
Script writer 劇作者	:	陳思言、廖逸然（學生）

Synopsis 故事大綱：

浩翰宇宙裏，我們相遇又告別。

人生的各種別離，引導着我們奔向屬於自己的終點；

三人爲了夢想，踏上了尋找終點的旅途；

『今天的離別，必定會有明天的重聚嗎？』

『今天的諾言，明天還會兌現嘛？』

我們對分離感到徬徨、擔憂。

人改變不了天地一色，更莫說逆轉命運。

那麼，留下的，只能是思念嗎？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

序

〔士多〕

〔楚翹，樂希，津桐 enter〕

樂希： 飲杯！咁就中五啦，時間真係過得好快～

津桐： 「讀書不覺已春深，一寸光陰一寸金」——係呢一瞬間我明白到王貞白先生嘅意思。

楚翹： （頹）過多兩年就要出嚟做嘢…諗起都興奮啊…

樂希： 講呢啲…話時話，我哋都就嚟畢業，你哋第日想做啲咩啊？

津桐： 我要做無國界醫生，去世界嘅各個地方，幫啲好需要幫助嘅人。

楚翹： 無國界醫生？係可以幫到好多人，但係—你唔怕辛苦咩…

津桐： 正所謂「施比受更為有福」，幫人最重要！小小幫忙，已經可以影響到個世界好多！

樂希： 嗚嗚津桐不愧係我哋「見人就幫，有難同當」嘅好姊妹！噏我睇好你㗎！

津桐： 咁你嘅夢想呢？

樂希： 我呢…就一條鹹魚嚟嘅，冇乜夢想～只係想安安穩穩咁繼承阿爸嘅生意，開開心心咁過生活，最好就——嫁個有錢人啦哈哈！楚翹，你呢？

楚翹： 我…都唔知啊。

津桐： 你唔係鍾情於音樂咩？

樂希： 係囉，你成日都話要做音樂家…

楚翹： 我係鍾意…但係我阿爸阿媽俾我做音樂，（苦笑）佢哋話做音樂冇用，搵唔到食…

樂希： 最緊要都係自己鍾意！津桐成日話（扮津桐）「人生苦短，及時行樂」，唔好令自己後悔啊！

津桐： 所言甚是！你要用行動證明比你父母睇，做音樂都可以出人頭地！

楚翹： 但係——

樂希： 咪但係喇，一於出年考 dse 之前，喺學校嗰「全瑪造星」度表演原創歌，俾你阿爸阿媽見識你嘅實力！

楚翹： 「全瑪造星」？咪玩啦，我驚我連初賽都入唔到…

津桐： 俾啲信心！

楚翹： 上去對住全校嗰，我一緊張就咩都唱唔到。

樂希： 到時你上到台，望住我哋唱咪一樣！噏講好啦，到時你唔上就——請我哋飲茶！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

楚翹： 咁如果我上咗，係咪你哋請我飲茶先！

津桐、樂希： 一於咁話！

（三人笑）

（燈暗）



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第一場

(課室)

(ST 01 - 鐘聲)

(楚翹，樂希，津桐，老師，穎欣，Lily，同學 1、2 入)

老師： 等一陣！

同學 1： 吓，又嚟？唔好啦…

同學 2： 好煩啊！

老師： 返去寫今次小測嘅反思，400 字，印埋出嚟下堂俾我。

楚翹： 其實做呢份嘢有意思咩…

樂希： 唔知啊我上次嗰份都有交，嘿唔使交啦！

津桐： Miss Chan 不如你俾練習我哋做？對我哋嘅學習更加有幫助——

老師： (咳) 第一，我叫 Miss Chan Chan！第二，唔交嘅扣平時分十分！講完，goodbye class！

所有學生： Good-bye and thank you Miss Chan Chan… (拖長)

(老師，穎欣，Lily，同學 1、2 出)

楚翹： (執書包) 唉，又要遲到…

津桐： 你要去邊啊？

楚翹： 我要去搵張 sir 傾我份卷啊！士多等，我好快到！（跑走）

(楚翹 出)

樂希： 喂！我要睇牙醫喎！

津桐： (低頭寫 notes) 我陣間要去補習，所以我可能（抬頭）…諗走得咁快嘅…

樂希： (沉默片刻、認真) 咁點啊？我仲諗住——

津桐： (cut) 照去啦！佢應該好快過嚟…

樂希： 哦…

津桐： 你做咩咁苦惱嘅？

樂希： (驚) 冇～行啦…本宮餓啦！

(燈暗)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

(士多)

(樂希，津桐 入)

(樂希、津桐進食中)

(楚翹 入)

楚翹： (喘氣) Hi~

樂希： 坐啊坐啊！愛心燒賣，你嘅！

楚翹： muah！（笑）啱啱撈返兩分，合格！

樂希： muah 叻女！

楚翹： （咬緊）啲燒賣真係超好食，我哋聽日啊唔係一每日放學都要嚟食！

(沉默)

樂希： 呃，其實我有啲嘢要同你哋講…聽完唔好喊喎…

楚翹： (食緊燒賣) 做—做咩啊—

(津桐楚翹對望)

樂希： 我要移民喇…

(靜)

樂希： 喂…俾啲反應好啫。

楚翹： 真係咩？唔好玩我哋啦…（望著津桐；津桐尷尬笑了一下，望開）

樂希： 今次真係唔係整蠱，都唔好笑…

津桐： 你要去邊啊？

樂希： 我阿爸喺美國開咗間分公司，佢想我早啲過去一路讀書一路實習，遲啲繼承佢嘅生意。

(楚翹反應緊；津桐欲言又止)

楚翹： 咁我哋咪好耐都見唔到…

樂希： 唔洗唔開心嘅，我放假一定會返嚟搵你哋㗎！

(沉默)

樂希： 你哋唔好咁啦…

楚翹： (見津桐低頭) 津桐唔好咁唔開心啦，你仲有我阿嘛，我哋多啲一齊打俾樂希啦！

津桐： 其實，我都要走喇…